

Poziv za podnošnje ponuda za kupovinu vozila

Ref. broj: OHR-PA/01/2026

1. PREDMET JAVNOG POZIVA

Predmet poziva je prodaja polovnih službenih vozila (u daljem tekstu: vozila), sistemom zatvorenih pisanih ponuda za izbor najpovoljnijeg ponuđača, kako slijedi:

LOT#	Model / Tip	Pogon	Boja	Godište	Kilometraža
1	Seat Leon ST, diesel	prednji	crna	2016	107673
2	Seat Leon ST, diesel	prednji	crna	2016	91680

Napomena: Vozila su prethodno uvezena i registrovana u BiH tako da ne podliježu postupku homologacije i drugim ograničenjima. Prilikom uvoza OHR je bio oslobođen plaćanja carinskih dažbina stoga je krajnji kupac, preko ovlaštenog špeditera, dužan da plati carinu (na non-EU vozila) i 17% PDV na licitiranu cijenu. Aukcija se obavlja na osnovu odobrenja Uprave za indirektno oprezivanje i vozila se mogu registrovati odmah nakon plaćanja carinskih i poreskih obaveza.

Ponuđena vozila se prodaju u viđenom stanju.

1.1. Ovaj postupak javne prodaje podijeljen je na dva (2) pojedinačna LOT-a. Svaki LOT se sastoji od jednog (1) vozila. Detaljan opis stanja svakog vozila je priložen u Aneksu A.

2. NAČIN JAVNE PRODAJE

2.1. Pravo učešća u postupku javne prodaje sistemom zatvorenih ponuda imaju sva fizička lica koje prije utvrđenog roka uplate depozit u iznosu od 300 KM za svako pojedinačno vozilo, na račun Ureda visokog predstavnika kod **Sparkasse Bank DD BiH, broj računa: 1994990033838466**

2.2. Učesnicima u postupku javne prodaje čije ponude ne budu prihvaćene uplaćeni depozit će biti vraćen nakon isteka važnosti ponude od 21-og dana, dok će uplaćeni depozit najpovoljnijem ponuđaču biti uračunat u ponuđenu cijenu. Ako kupac odustane od kupovine nakon što je njegova ponuda prihvaćena, uplaćeni depozit od 300 KM za svako vozilo se neće vratiti. Učesnicima u kupovini čije ponude ne budu prihvaćene, depozit će se vratiti na bankovni račun u punom iznosu.

3. PREGLED VOZILA ZA PRODAJU

3.1. Ponuđači se pozivaju da prije podnošenja ponude pregledaju vozila kako bi provjerili stanje i sve detalje. Vozila će biti dostupna na pregled u **petak 29. maja 2026. godine, u periodu od 10:00 do 14:00 sati** u krugu OHR-a, Emerika Bluma 1, Sarajevo. Detaljno stanje vozila će biti dostupno pri pregledu vozila u papirnoj formi za svako pojedinačno vozilo (zadnji urađen servis, opšte stanje vozila i sl.).

3.2. Svaki ponuđač odlučuje samostalno na svoju odgovornost da li će ili neće pregledati vozilo prije podnošenja ponude. Za svaku podnesenu ponudu smatrat će se da je ponuđač upoznat sa trenutnim stanjem vozila.

4. FORMAT PRODAJE I GARANCIJA PONUDE

4.1. Ponude se dostavljaju na Obrascu – Ponuda za kupovinu vozila/ OHR-PA/01/2026 i predaju se isključivo u zatvorenoj (neprovidnoj) koverti na adresu: Ured visokog predstavnika, Emerika Bluma 1, 71000 Sarajevo **do 05. Juna 2026. godine u 12:00 sati, lično ili poštom**. Na koverti na poleđini treba navesti ime i prezime, broj LOT-a za koji se dostavlja ponuda, sa naznakom: „OHR PA/01/2026, ne otvarati“. **Obrazac ponude će se moći preuzeti na dan pregleda vozila od službenika OHR-a.**

4.2. Jedan ponuđač može dostaviti ponudu za 1 ili više LOT-ova, s tim da se za jedan LOT može dostaviti samo jedna ponuda. U slučaju da ponuđač dostavlja ponude za više LOT-ova, depozit se uplaćuje za sve LOT-ove sa naznakom za koje LOT-ove se vrši uplata. Ponude će biti razmatrane za svaki LOT, bez obzira na broj ponuđenih LOT-ova bilo kojeg ponuđača.

Svaka ponuda mora biti stavljena u neprovidnu zatvorenu kovertu i treba da sadrži:

1. Popunjen obrasca Poziv za podnošenje ponuda – OHR-PA/01/2026 sa finansijskom ponudom izraženom u konvertibilnim markama (BAM). **Obrazac ponude će se moći preuzeti na dan pregleda vozila od službenika OHR-a.**
2. Dokaz o izvršenoj uplati depozita od 300 KM za svako pojedinačno vozilo, na račun Ureda visokog predstavnika **Sparkasse Bank DD BiH, broj računa: 1994990033838466**

Na obrascu mora biti jasno naznačen:

- Bankovni račun na koji će se izvršiti povrat
- E-mail i telefonski broj koji će se koristiti za zvaničnu komunikaciju
- Ponudu mora potpisati podnosilac ponude, a ukoliko je ponuđač pravna osoba, ista mora biti i ovjerena pečatom pravne osobe.

OHR ne preuzima odgovornost za netačno i nečitko dostavljene podatke.

4.3. Ponude moraju biti zaprimljene prije roka navedenog u ovom Pozivu za podnošenje ponuda za prodaju vozila, lično ili poštom. Svaka ponuda pristigla nakon isteka roka bit će odbijena bez uzimanja ponude u obzir, a depozit će biti vraćen.

4.4. Ovaj poziv ne sadrži ugovornu ponudu bilo koje vrste. Svaka dostavljena ponuda smatrat će se isključivo ponudom od strane ponuđača, a ne prihvatanjem ponude od strane OHR-a.

4.5. Ponuđač snosi sve troškove vezane za pripremu i podnošenje ponude. OHR ni u kom slučaju neće biti odgovoran za bilo kakve vezane troškove, bez obzira na ishod procesa nadmetanja.

4.6. Ponuda ostaje važeća i otvorena za prihvatanje u periodu od dvadeset-jednog (21) dana od isteka roka za podnošenje ponuda.

4.7. Garancija ponude (depozit) neuspješnim ponuđačima će biti vraćena na bankovni račun naveden u obrascu ponude u najkraćem roku, ali najkasnije u roku od dvadeset-jednog (21) od isteka roka važenja ponude.

5. POVLAČENJE PONUDE

5.1. Ponuda se može povući na pismeni zahtjev ponuđača prije isteka roka za podnošenje ponuda. Bilo kakvo povlačenje podneseno nakon toga roka neće biti prihvaćeno.

6. POSTUPAK JAVNE PRODAJE I KRITERIJ ZA DODJELU

6.1. Sve ponude će OHR pregledati i ocijeniti u skladu sa važećim pravilima i procedurama, kao i uslovima navednim u ovom Pozivu za prodaju vozila referentni broj OHR-PA/01/2026.

6.2. Vozila koja su predmet javne prodaje, prodaju se pojedinačno ponuđaču koji ponudi najvišu cijenu za pojedino vozilo. Vozila se prodaju pojedinačno u viđenom stanju uz garanciju da je OHR vlasnik vozila i ima pravo da ga proda bez pribjegavanja garancijama bilo koje vrste izražene ili implicirane. Uspješni ponuđači su odgovorni za sve troškove uključujući, ali ne ograničavajući se na carinjenje, transport, skladištenje, uklanjanje i odlaganje predmeta u skladu sa svim lokalnim i međunarodnim zakonima i propisima.

6.3. OHR će obavijestiti sve ponuđače (uspješne i neuspješne) o svojoj odluci maksimalno trideset (30) dana od isteka za podnošenje ponuda.

6.4. Jedini kriterij dodjele će biti cijena. Svaki LOT se pojedinačno dodjeljuje ponuđaču sa najvišom ponudom (cijenom) za taj LOT. U slučaju jednakih (finansijskih) ponuda, LOT se dodjeljuje **vremenski prvom** primljenoj ponudi, prema zvaničnom OHR registru primljenih ponuda.

6.5. U slučaju neuspjeha obavještenog prvorangiranog ponuđača zbog povlačenja ili nepoštovanja uslova prodaje, predmetno vozilo će biti dodjeljeno narednoj najboljoj ponudi. U tom slučaju OHR zadržava uplaćeni depozit.

7. OBAVJEŠTENJE USPJEŠNIM KUPCIMA

7.1. Ponuđači čije ponude su prihvaćene će biti zvanično pismeno obaviješteni u roku od sedam (7) dana nakon otvaranja ponuda, na e-mail adresu naznačenu na ponudi. Nakon pisma obavještenja koje je poslao OHR, ponuđači moraju pismeno potvrditi prihvatanje ponude u roku od 48 sati.

7.2. U slučaju da obaviješteni ponuđač odbije da uplati punu cijenu vozila ili punu cijenu ne uplati u roku od pet (5) radnih dana nakon dostavljenog računa na email ponuđača, OHR će nepovratno zadržati depozit uplaćen kao garanciju za ponudu. Postupak se ponavlja se slijedeće rangiranim ponuđačima do prihvatanja kupovine, ili do otkazivanja postupka od strane OHR-a. U slučaju da ponuđač ne prihvati kupovinu, a obavješten je tek nakon isteka roka od dvadeset-jedan (21) dan valjanosti ponude, OHR u tom slučaju neće zadržavati depozit.

8. OBAVEZE KUPCA

8.1. Kupac je dužan da uplati puni iznos postignute cijene (umanjen za iznos depozita koji se uračunava u cijenu) u korist Ureda visokog predstavnika u BiH u roku od pet (5) radnih dana od dana obavijesti da je njegova ponuda prihvaćena i dostavljene fakture od strane OHR-a.

8.2. Vozila se preuzimaju i uklanjaju sa parkinga OHR-a, u viđenom stanju bez garancije i u roku od pet (5) dana od dana primitka uplate na račun Ureda visokog predstavnika u BiH i primopredaje dokumentacije vezane za prodaju. Termin primopredaje će se dogovoriti sa predstavnikom OHR-a. Ured visokog predstavnika neće prihvatiti nikakve obaveze koje proisteknu iz upotrebe vozila poslije njihove prodaje.

8.3. Troškove carine, poreza, uklanjanja vozila, transporta i sve ostale troškove u vezi ove transakcije snosi kupac. Vozila koja su predmet prodaje i korištena od strane OHR-a, su uvezena bez plaćanja carine i PDV-a, te će za dalje carinske i poreske procedure kupac kontaktirati Upravu za indirektno oporezivanje direktno. Cijena ponude prema OHR-u **ne treba** da uključuje bilo koji porez i dadžbinu, uključujući, ali ne ograničavajući se na one koje naplaćuju lokalne ili međunarodne carinske vlasti.

9. PRAVO OTKAZIVANJA PRODAJE I ODBIJANJA SVIH PONUDA

9.1. OHR zadržava pravo da poništi, u cjelini ili djelimično, ili da suspenduje process nadmetanja i odbije sve ponude, u bilo koje vrijeme i bez razloga prije dodjele, bez da snosi bilo kakvu odgovornost prema ponuđačima na koje to utiče.